

RISALAH PEMBERITAHUAN PRODUK

Sila baca Risalah Pemberitahuan Produk ini sebelum anda membuat keputusan mengambil produk berikut dan sila dapatkan penjelasan daripada Ejen kami sekiranya anda tidak memahami apa-apa syarat di sini. Pastikan anda membaca terma dan syarat-syarat am polisi.

Kemalangan Diri Serata Dunia dengan Bonus

1. Apakah tentang produk ini?

Polisi ini memberi pampasan sekiranya berlaku kecederaan, hilang upaya atau kematian yang disebabkan semata-mata oleh kejadian tidak disengajakan, luar jangkaan dan secara kebetulan kepada orang yang diinsuranskan.

2. Apakah perlindungan atau manfaat yang diberikan?

Polisi ini melindungi:

- Kematian Kemalangan
- Hilang Upaya Kekal
- Hilang Upaya Menyeluruh Sementara
- Hilang Upaya Sebahagian Sementara
- Belanja Perubatan
- Pendapatan Hospital Mingguan
- Perjalanan Luarnegara
- Repatriasi
- Indemniti Berganda

Nota: Sila rujuk kepada skala manfaat bagi kematian dan hilang upaya di dalam sampel polisi/kontrak polisi. Tempoh perlindungan adalah satu tahun. Anda perlu memperbaharui perlindungan insurans anda setiap tahun.

3. Berapa premium yang harus saya bayar?

Jumlah premium yang perlu anda bayar mungkin berbeza bergantung atas kelas pekerjaan berdasarkan jadual manfaat seperti dinyatakan di atas. Anda perlu membayar: [tidak tertakluk kepada Cukai Kerajaan],

Kelas Pekerjaan	Pelan A	Pelan B	Pelan C	Pelan D
Kelas 1	RM 85.00	RM 145.00	RM 204.00	RM 263.00
Kelas 2	RM 112.00	RM 193.00	RM 273.00	RM 353.00
Kelas 3	RM 143.00	RM 247.00	RM 351.00	RM 455.00
Pasangan & Anak (tambahan)	RM 45.00	RM 65.00	RM 85.00	RM 105.00

Klasifikasi Pekerjaan

Kelas 1 -	Pekerjaan bukan tenaga buruh, yang melibatkan pengurusan atau pekerjaan yang hanya di pejabat sahaja atau di tempat yang tidak berbahaya.
Kelas 2 -	Pekerjaan yang melibatkan kerja-kerja penyeliaan atau di luar pejabat untuk tujuan perniagaan, tetapi tidak terlibat dengan kerja-kerja yang menggunakan tenaga buruh.
Kelas 3 -	Pekerjaan yang kadangkala atau biasa menggunakan tenaga buruh untuk kerja-kerja yang tidak berbahaya tetapi terlibat dengan kerja-kerja yang menggunakan peralatan dan mesin (tidak menggunakan mesin pertukangan kayu).
Kelas yang diinsuranskan	Penyelam, polis, askar/tentera dan penguatkuasa undang-undang, penguji kapal terbang, juruterbang atau anak kapal, pelaut dan nelayan laut, pelumba kenderaan laju, joki, pekerja pelantar minyak, pengergaji dan pekerja kayu balak, ahli bomba, pemberita perang, tukang pembaik menara, pemungkah barang pelabuhan, orang-orang yang terlibat dalam pekerjaan meruntuhkan bangunan, orang-orang yang terlibat di dalam perkhidmatan ambulans, pengguna mesin pertukangan kayu, pekerja bahan letupan, pekerja terowong dan perlombongan dan aktiviti-aktiviti sukan professional.

4. Selain daripada premium dan Cukai Kerajaan (jika berkenaan), apakah kos dan caj lain yang harus saya bayar?

Komisen yang dibayar kepada agen insurans	25% daripada Premium Kasar
Duti Setem	RM10.00

5. Apakah diantara terma dan syarat-syarat penting yang patut saya ketahui?

Kontrak Insurans Pengguna

Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.

Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

Kontrak Insurans Komersial

Menurut Perenggan 4(1) Jadual 9 Akta Perkhidmatan Kewangan 2013, jika anda memohon insurans ini untuk tujuan yang berkaitan dengan perdagangan, perniagaan atau profesion anda, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami. Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

Anda perlu memberitahu semua fakta penting seperti pekerjaan anda, perjalanan yang dicadangkan dan tugas anda yang mungkin akan memberi kesan profil risiko dan bilangan polisi kemalangan diri yang anda telah beli dari syarikat insurans lain.

6. Apakah Polisi ini Tertakluk kepada 'Warranti Tunai Sebelum Perlindungan'?

Ya, terma dan syarat yang terkandung didalam kontrak insurans ini, ialah bayaran premium penuh perlu dijelaskan dan diterima oleh pihak kami sebelum perlindungan bermula.

7. Umur

16 sehingga 65 tahun.

8. Apakah pengecualian penting dibawah polisi ini?

Polisi ini tidak melindungi kematian atau kecederaan yang disebabkan oleh kejadian berikut : risiko perang, risiko nuklear, HIV/AIDS,kecederaan sendiri, bunuh diri, penyakit kelamin, melahirkan anak, keguguran dan kehamilan, mana-mana anggota polis atau tentera, khidmat atau operasi dalam tentera laut atau udara, penerbangan atau sebarang aktiviti pesawat terbang lain, sebarang aktiviti sukan professional, sukan berbahaya, sebarang jenayah atau aktiviti yang menyalahi undang-undang dan mabuk disebabkan alkohol dan dadah. Senarai ini tidak lengkap. Sila rujuk kepada sampel polisi/polisi kontrak untuk senarai penuh pengecualian dibawah polisi ini.

9. Bolehkah saya membatalkan polisi?

Anda boleh membatalkan polisi anda dengan memberikan notis bertulis kepada The Pacific Insurance Berhad dan dengan syarat tiada tuntutan timbul semasa tempoh insurans pada masa itu.The Pacific Insurance Berhad akan mengembalikan sebarang premium bagi tempoh insurans yang belum luput dikira dari kadar jangka pendek lazim The Pacific Insurance.

Pihak Syarikat boleh membatalkan polisi dengan memberi 14 hari notis bertulis.Anda berhak menerima bayaran balik berdasarkan kadar pro-rata.

10. Apa yang perlu saya buat jika ada perubahan dalam alamat atau butiran peribadi saya?

Adalah penting bahawa anda memberitahu The Pacific Insurance Berhad tentang segala perubahan dalam alamat atau butiran peribadi anda untuk memastikan bahawa semua surat-menyurat anda tiba pada waktu yang tepat.

11. Bagaimana saya membuat tuntutan?

Semua tuntutan perlu diberitahu pada syarikat dalam tempoh 14 hari dari tarikh kemalangan. Semua dokumen yang berkaitan tentang tuntutan perlu di kemukakan kepada syarikat dalam tempoh 14 hari dari tarikh kemalangan. Tiada tuntutan akan diterima jika pihak syarikat dimaklumkan selepas tempoh satu tahun dari tarikh kemalangan. Semua pampasan akan dibayar terus kepada anda, jika berlaku kematian, akan dibayar kepada benefisiari anda.

12. Apakah jenis perlindungan Insurans Kemalangan Diri lain yang terdapat di The Pacific Insurance Berhad?

Jenis perlindungan insurans kemalangan diri lain yang ada termasuk tetapi tidak terhad kepada:

<ul style="list-style-type: none"> • Pacific Super Protector • Kemalangan Diri • Kemalangan Diri Bonus • Kemalangan Diri Pemandu & Penumpang • Kemalangan Diri Pemandu & Penumpang Bonus • Insurans Perjalanan Travelguard 	<ul style="list-style-type: none"> • Kemalangan Diri Keluarga • Kemalangan Diri Pelajar • Autoguard • Kemalangan Diri Warga Tua • Kemalangan Diri Supreme • Kemalangan Diri Care
--	--

13. Apakah jenis perlindungan Insurans Kemalangan Diri lain yang terdapat di The Pacific Insurance Berhad?

Sekiranya anda memerlukan maklumat tambahan mengenai insurans kemalangan diri, sila rujuk kepada buku kecil maklumat insurans tentang "Insurans Kemalangan Diri" yang terdapat di semua cawangan The Pacific Insurance Berhad atau lawati :www.insuranceinfo.com.my. Jika anda mempunyai sebarang pertanyaan lain, sila hubungi:-

The Pacific Insurance Berhad,
40-01, Q Sentral , 2A Jalan Stesen Sentral 2,
KL Sentral, 50470 Kuala Lumpur, Malaysia
Tel: 03-26338999 Fax: 03-26338998 Toll Free line: 1800 88 1629
Email: customerservice@pacificinsurance.com.my Website: www.pacificinsurance.com.my

14. Pengakuan

Saya/Kami mengakui bahawa syarat kontrak utama di atas telah dijelaskan dengan secukupnya kepada saya/kami.

.....

Tandatangan

NOTA PENTING :

ANDA DINASIHATKAN UNTUK MENGAMBIL PERHATIAN KEPADA SKALA PAMPASAN BAGI KEMATIAN DAN HILANG UPAYA DI DALAM POLISI INSURANS ANDA. ANDA HENDAKLAH MELANTIK NOMINI DAN PASTIKAN NOMINI ANDA TAHU TENTANG POLISI KEMALANGAN DIRI YANG ANDA BELI. ANDA PERLU MEMBACA DAN MEMAHAMI POLISI INSURANS DAN BERUNDING DENGAN AGEN INSURANS ATAU HUBUNGI THE PACIFIC INSURANCE BERHAD TERUS UNTUK MAKLUMAT LANJUT.

Polisi ini ditulis dalam Bahasa Inggeris dan Bahasa Malaysia. Sekiranya versi Bahasa Inggeris dan Bahasa Malaysia tidak setara, versi Bahasa Inggeris akan digunakan.